

A. Z!

QUIRINI KUHLMANNI

Mysterium


Viginti Unarum

SEPTIMANARUM
Kotterianarum,

quod vera Clavis ad *Danielem*, *Apo-*
calypsin omnesque Scripturæ
numeros, Spiritus Sancti
ope apertum, 59

SMYRNÆ NATOLIÆ,
Mense Octobri, 1678. 59

LONDINI, Excudebat Johannes Gain,
Anno Domini, 1682.





A D

Consulem Hollandicum Smyrnensem,

Dom. Jacobum Kan Dam,

Cum ipsi muneris loco Lucem e
Tenebris relinqueret, cæruleo
colore inauratam, *Turcarum*
Imperatori destinatam,

In Libri Frontispicio.

L Iber hic triunus specialior
Apocalypsis est, & sep-
tem Mundi Ecclesias do-
cens & illuminans. Quisquis igitur
Membrum genuinum unius e sep-
tem

*tem Ecclesiis est, munus ipsius erit,
hoc munus caeleste, quod Episto-
la est ad totum Orbem Ter-
rarum ipsius Dei, pro sua
possibilitate publicare cunctis, ut
fiat divina Voluntas. Ma-
neat ergo in Oriente ad Orientem
Muneris loco, ut fiat tandem hoc
trium Munus, Universale
Munus totius Orientis.*

*Smyrna 27. (17)
Octob. 1678.*

Omnis



1. **O** MNIS Prophetia à Deo est, & è Deo solum intelligitur, quia Spiritui nulla potestas est plus videre quàm matricem suam. Septimanas igitur 21 Kotterianas absque Dei Lumine exponere, carnalitas est, & tota hactenus Europa, quatenus Romam Octavam repræsentat Apocalypticam, in ratione sua cæca occæcata fuit, dum absque Dei Spiritu & Prophetas novos legeret & exponeret.
2. Legunt nostri Academici Scripturas, & explicant rationis propriæ Spiritu, & sic explicant Scripturas tantâ certitudine, ut tota Europa nunc confusa, plenius in *Romam Octavam* sit transmutata ad sextum Dei Judicium tam propinquum (O Jesu Christe!) fat matura. Non sic, non sic nobiscum

- cum, & veraces sunt nostræ explicationes Scripturæ, infuso lumine a Jesu Christo acceptæ, quæ in calamus nostrum e veritatis sanctæ canali *absque omni nostrâ fere operatione* influunt. Ad demonstrationem ergo clarissimam impletum esse, quod Angelus Dei Kottero dixerit, *Cap. 8. Dabit Deus Spiritum suum cuidam, qui tempus hoc calculando per 3 & 7 cognoscet*: resolvemus hebdomadas istas 21 Propheticas luculentissimè. Ne credas, O homo, tam parvi momenti rem esse concordantiam totius Scripturæ Naturæque in his 21 hebdomadis reperire? Nam totus mundus a Creatione suâ usque ad Christi reditum in 21 hebdomadas distributus est, quas Apocalypsis declarat clarissimè, Spiritum Dei habenti, & verum Christianismum realem practicè exhibenti, non historicum istum nominalem, sub plagis septem
6. Apocalypticis delineatum. Orent in Spiritu & Veritate, exeant ex *Octavâ Româ*, rationem fidei subdant, & tunc intelligent, cujus Spiritus verba hæc fuere. At quis ferre verba Dei, quis intendere potest? Ad Scripturam omnes nunc clamant, & contra Scripturam docent, scribunt, vivunt, quia litera Scripturæ ipsos trucidat. Spiritus Dei in suis occluditur, Sapientia increata ad rationem reddendam, *Cur hoc facis? Quis usus? Quid tandem?* temerarie postulatur, & volunt intelligere vias Dei, cum suam viam vitamque nesciunt. Interea Dei Ira festinat, Bellum, Terræmotus, Fames, Pestis accenditur, & in medio Iraz, Iram severiorem excitantes, occæcati signa quarunt, & ipsi signa sunt, & brevi signa erunt. Non
- filet

filet Deus in nobis, sed mensuram adimplere permittit cunctis, castigatione paternâ suâ tertiâ nos præparans ad realem apparitionem istam ingentem ipsius istius, qui dicebat, *Ego sum Dominus Tsebaoth*; quæ nimium terribile ignitum Signum, cujus Spiritus hæc sunt, *Octava Romæ* apparebit, ipsam inflammans. Qui credit, credat; intelligit, intelligat; intendit, intendat: SATIS DIXI.

9. Sicuti autem magnæ 21 Mundi-Septimanæ, à Spiritu Dei mihi reſeratæ sunt, sex Millenariorum Signum, Figuram, Realitatem, ab *Adamo* usque ad *Sophatham* comprehendentes: ita etiam 21 istæ Septimanæ Kotterianæ, quæ compendium magnarum 21 Septimanarum non solum repræsentant, sed divinâ Providentiâ Veritatem Sapientiamque divinam Prophetiæ novæ eloquuntur.
10. O sancte Deus! Quomodo blasphemant Te indies tui in tuis Instrumentis? Sciunt Sapientiam nunquam tuam habitasse, nisi in animâ à te sanctificatâ, & tamen tuos Sapientiâ tuâ vestitos Prophetas, vel Diabolorum Discipulos appellare, vel *PRO LUBITU LIBITUQUE SUO* legere vel
11. rejicere cogitant. O arrogans, O stulta ratio humana! Quò non impellis te sequentes? Nesciunt quod christianè vivere, sit Christum ubique loquentem sequi, non persequi, ut Voluntas ipsius fiat tam in cœlo quam in terrâ, hoc est, in omnî
12. Creaturâ. Habemus *Mosen* & Prophetas, scimus Deum cum *Mose* locutum, cum Hoc nescimus; speciose Serpentis Infernalis Inspirationes sunt, quia unius Dei una vox in omnibus, & nunquam alia erit ceu fuit, & nunquam tamen est, ceu fuit,

13. nec erit, ceu est. Si *Mosē* & Prophetas habes, habes generalem Scripturam; nec specialem applicatamque tempori tuo Scripturam, quam præfentes tui ævi Prophetæ constituunt, vel spernes, vel lectu inutilem inquisitioneque seria indignam
14. credes. *Moses* & Prophetæ docuerunt Voluntatem Legemque divinam impulsu divino; hi etiam applicant istam tuo seculo impulsu divino. *Moses* & Prophetæ futura prædixerunt, ut Deum per ipsos egisse opera sua agnosceres eo certior Præceptis Moniisque Dei obediens; hi specialiores saltim tui temporis applicatores ab eodem Authore, ob similem tuam certitudinem. *Moses* &
16. Prophetæ Christum ubique inculcant, de Christo agunt, de Christo triumphant, & characterem veri Salvatoris Mundi divinitus proponunt; hi etiam post Christi Resurrectionem Ascensumque ad Cœlos, Christum specialius tibi ostendunt, divinitus excitati, verorumque Christianorum characteres designant. *Moses* & Prophetæ de ultimis temporibus, de fine seculi, de Antichristi Vice-
17. deitate, de Christianorum seductione generalissima exhibuerunt, ne orbis seductus innocentiam quandam haberet attestari; hi specificè ista præfenti tuo seculo applicant, in mediis Antichristi
18. tenebris ob eandam attestationem. Quid quæso excusationis? Quid falsitatis? Quid prætextus? An non *Moses* & Prophetæ suâ in vitâ eandem incredulitatem à suis experti, quam nostri præfentes ab hodiernis? Non habent *Mosē* & Prophetas, qui ad *Mosē* & Prophetas semper appellant, quia *Mosē* & Prophetas in suis Filiis rejiciunt, sper-
- nunt,

- nunt, lectu inutiles judicant, & Pseudoprophetis Satanæ, non *Mosi* & Prophetis manum dant.
19. Quàm necessario ad *Mosen* & Prophetas in dubiis rebus appellandum est, ne seducamur; tam necessario etiam in *Mosis* & Prophetarum dubiis locis, quos hic vel iste causavit, ad Prophetas Neotericos, Sanctæ Scripturæ divinos Commentarios recurrendum est, ne Antichristi, Babylonis, Romæque Octavæ conjecturis, discordes amplius maneamus. Unus Deus Triunus, Una Scriptura Triuna, Una Fides Triuna, Una Veritas Triuna: è contra tot nunc de Deo, Scripturâ, Fide, Veritate ferè Opiniones, quot non Sectæ, sed ferè Sectarii. Et nos stulti Prophetas adhuc rejicimus, propter unicam concordiam missos, ne nostrâ discordiâ in sexto Judicio cum cæteris rejectis rejiciamur? Satis, satis est hujus Babylonismi, & è somno voluptatum vestrarum somnioque optimæ vitæ Christianæ nostræ, quæ totaliter primævæ charitati veritatiq; discolor, expurgiscendum est, ne nimis serò lacrymis æternaturis nostram cæritate deplemamus.
22. Septimanæ 21 Kotterianæ facillimè confirmant dicta nostra, nisi præjudiciis intolerabilibus divinæ Sapientiæ præjudicemus. quoniam paenitentia nostræ traditi sunt tot anni, quot dies istæ comprehendunt, antequam impænitentes cum *Antichristo*, cujus Caput est *Casar*, corpus *Pontifex*, cauda *Hispanus*, pedes *cateri Pontifici*, Turcico Gladio cum Septentrionalium ense conjuncto ruant. Percurramus ergo Textûs ipsos Kotteri brevissimè. Angelus apud Kotterum *Cap. 5.* secretissimos numeros sub 1621, & 1630 re-
- 23.

- tegens, tandem designat. *v. 31. Hebdomadas 21 ab occupatione Praga, quibus elapsis Praga rursus brevi Friderico sit cessura.* Explicatores, nescientes
24. Prophetam, futura, non presentia, sub ænigmaticis figuris, nominibus, certisque Personis semper prædicere, Deumque lusum suum cum filiis hominum habere, totâ Scripturâ cum omnibus Electis docente, sumserunt Hebdomadas istas 21 pro communibus, occupationem Pragæ pro communi Urbe *Bohemia*, Fridericum pro Palatino Rheni,
25. Friderico V. Ast errarunt stili Prophetici (ceu priores nostri in Scripturis) expertes, quia Deus obteggit Mysteria sua servis suis, *ne liberum arbitrium Creatura rationali sua sumeret, si aperta essent*, & tamen præscientiæ suæ testimoniis
26. abundè posteris declaratis remanentibus. O Abyssus divinæ Sapientiæ, Sapientibus delectabilis, Insipientibus formidabilis! Hæc est, in quâ sancta Simplicitas felicissimè navigat, Fidei Mysterium absolvens; & in quâ mundanæ rationis prudentia, naufragio perpetuo infamis est, contradictionum, contrarietatum, falsitatumque mare in
27. suis oculis inveniens. Hæc est causatrix innocentissima, quæ cunctos Academicos, omnisque ordinis Politicos Ecclesiasticosque vexat hodie in Prophetis Neotericis, Mysteria Dei præarrogantibus occultans & Ignorantiam ipsis cum eorum
28. Indignatione objiens. Vellem cuncta evidentiùs demonstrare, nisi in Scriptis aliis demonstrassem, & brevitatis mihi hic cordi esset: satis erit è textu ipso alterisque locis eandem evidentiam rationisque humanæ fragilitatem evincere principio

- piò quoad *Tempus*, deinde *Urbem*, tertio ipsum
29. *Fridericum*. Quoad *Tempus*? Propheta enim Kotterus effluxo termino 21 hebdomadarum valde tristis, audivit ab Angelo, præoccupante ipsius intentionem: *Nihil ipsi unquam Deum per Servos suos revelasse inutile; Deum istarum 21 Hebdomadarum mysterium singulare sibi reservatum voluisse; considerare tamen debere, septies septem facere 49, è quibus ter multiplicatis prodibunt 147 hebdomadae, atque hunc esse terminum* (ab occupatione Pragæ scilicet, originali rectius indicante quam corrupta interpretatio) *qui bello huic terminum*
30. *afferet suum*. Angelus Dei hic præoccupavit sub Prophetæ Personâ omnes, propter 21 hebdomadarum Mysterium de Prophetiis hic dubitantes, ne rationis suæ inanis ductu de Mysteriis numerorum obscurorum inquirerent, qui reservati essent suo ipsi tempori; & ne propter quædam non intellecta, omnia bene intellecta, Christianæ Veritati consentanea, à vanissimis suis cogitationibus seducti, ad Judicium suum æternans rejicerent.
31. Nihilominus considerationes divinitus excitatas cunctis Lectoribus indulgit, Clavi datâ totius Numeri, quam ad cuncta hæc suffecisse, Experientia demonstrat in præsentî hac Scriptione. Nec his contentus, clarius in alterâ Revelatione Videnti revelavit totam Clavim his verbis, *Rev. 9. v. 39. Hebdomades illæ 147 sunt tres Jubilei-anni-hebdomadae, & est magnum Mysterium in istis, & pertinet ad Spiritu-divites eruditos. Tu de hac re*
32. *non esto sollicitus, sed age quod tibi dixi*. Quid est Jubilei-anni-hebdomas? Nonne 49 anni?

Et certe in Jubileo Anno summum Mysterium ; quod nulli erudito pateat, nisi isti, cujus Doctor ipse Spiritus Sanctus, omnis Veritatis Sanctæ Unus Unicusque Magister. Nedum in triplici hoc anno Jubileo hebdomadarum 21, qui referre debebat compendium Signi, Figuræ, Realitatis Universalium 21 Mundi Septimanarum, totum Orbem terrarum in admirationem tam mirabilium personarum rapiens, totque contrarietatibus

53. confundens. Quod vero Angelus adhortabatur Videntem, & sub ipso cunctos Lectores, de hac re ne solliciti essent, sed agerent, quod Officium Christianæ Fidei requireret, in simplici Fide mysteria hæc propalare, maximi ponderis adhortatio est, à vano ratiocinio in his Prophetiis totaliter nihil fore expectandum, ceu tota Europa Aca-

34. demica inscitia suâ adhuc testis. Hebdomadas autem istas 147 saltim vulgares 147 annos, & vulgares tres Jubileos annos referre, quanquam clarissimè confirmaverat Angelus, clariùs tamen revelavit his verbis : *Rev. 23. v. 78. Post exitum 21 hebdomadarum (tanquam 147 vulgarium Septimanarum, quæ in Martio suum exitum sumunt, & finis 1260 dierum in Aprili) principium erit e Sylva*

35. *viridi, in aridam Sylvam venatum prodeundi.* Hic causa occultè patescit, cur Pontificis Thronus rure totaliter intra 147 annos nequeat, quia Scripturæ numerus Bestiæ traditus, nondum impletus ; deinde cur 21 hæ Septimanæ utriusque Scripturæ Prophetarum Clavis sint, quia exitum tam 1260 dierum, quam 1176 dierum Prophetarum, sive annorum & cæterorum numerorum describentes,

simul

- simul eorum Principium & medium remonstrant.
36. Nam omnium numerorum secreta, quæ hactenus occulta, plenâ 21 Septimanarum Universalium, specialiumque cognitione patefacta sunt, & mi-
fello Juveni concessit gratia Christi sex millenari-
orum notitiam, ne caro fragilis in Senibus ratio-
37. oni suæ, si ipsis concessum fuisset, adscriberet. Lu-
dant, illudant; vera sunt, & supra omnium spem,
secundum Prophetias Servorum Dei majora enu-
cleata, revelata, notificata, quia non ab ho-
mine, non Magistro, sed ipso Jesu Christo, cui
sit soli cum Deo Patre & Spiritu sancto gloria,
hæc confluunt, ceu confluerunt immeritâ gratiâ,
& confluent, si Ecclesiæ Christi erit fructiferum.
38. Et verissimum est de his Prophetiis, quod Ange-
lus revelavit : *Cap. 16. v. 48. Et qui Scripturam
legit, & probe annotat, ille hæc (Revelata) pro-
be intelliget, & ille est Propheta etiam de futuris &
mirabilibus rebuz, quæ in hoc tempore, & etiam in
sequentibus Temporibus evenient.* Ad Testimoni-
um enim Turcarum, Tartarorum, Gentium, hæc
præprimis revelata sunt, teste ipso Domino apud
Drabicium : *Rev. 138. § 17. Simul verò ac* M3
*illi (quibus opus meum revelo mature, & mando)
manum operi admovent, Turcica Natio prospice-
re incipiet, ut Illuminationem accipiat primo e Li-
bris illis, quos eorum in usum parare volo.* Rectissi-
mè Turcarum in usum specialis hæc Scriptura
tempore destinato veniet, perque ipsum genera-
lis ipsa Scriptura, absque quâ nec hæc intelligitur
Apocalypseos Apocalypsis, nec exponitur. Impletio
istarum rerum, quas Prophetia nova continet,
Turcis

- Turcis Gentibusque Divinitatem ejusdem profiteri necessariè persuadet & quoniam à Scripturà utrâque nullibi discedit, sed perpetuò ad Scripturas ceu Lydium Lapidem provocat, per necessariam consequentiam Scripturæ utriusque divinitatem à nolentibus evincet, errorumque suorum confessionem, falsam Hypothesin, Judæos Christianosque Scripturas veras perdidisse fundamentaliter destruens. Judæi ipsi, perviciaci insignes, confundentur totalitèr, cum Danielis Septimanas 70 tantà Harmonià cum *Apocalypsi* & his Prophetiis concurrere aspicient, juxta Drabicium : *Rev. 395. v. 5. Septuaginta Hebdomada indicata fuerunt Danieli ad meum adventum, & veni antequam decurrerunt. Eundem numerum 70 hebdomadarum à die discessus mei numera, si habes intellectum, ubi dierum, qui nunc sunt, praliorum & belli finem fieri oportet.*
42. Numeravi divinà gratià à die discessus Christi, & à priori terminum eundem inveni, quem a posteriori per 21 Septimanas inveneram, quod Testimonium firmissimum è Spiritu Dei uno, & hæc Drabiciana & ista Kotteriana profluxisse. Septimanas 21 secretissimo modo Drabicio Dominus ostendit, cifrà triplici 7 7 7, cum verbis : *Rev. 557 § 2 & 5. Mystrium est numeri mei, quod tu non intelliges nunc, intelliges aliàs.* Et mox : *Quare ex obrectatoribus istis meis & tuis, an inde ab exortu Ecclesia vestra quisquam ita locutus est, quoad res & verba, ut per te loquor Ego? Excepto illo Hussi, centum revolutis annis Deo respondebitis & mihi.*
44. Quis numerus est 7 7 7, quam 21, numeratione Angelicà Kottero ostensà ?

De-

- Deinde post centum annos, quos tam secretè Hussii Prophetico dicto involvit, quis numerus quam 1777? Sufficiant idcirco hæc pro tempore, de tempore 21 Septimanarum, & agnoscant cum verà contritione audaciam Antichristianam rubicundi, qui futilissima Judicia de his 21 Septimanis habuisse agnoscunt. Quoad Urbem *Pragam*? Ab occupatione *Praga*, cujus fatale prælium in monte albo, die 29 *Octob.* (8 Nov.) 1620 factum est, 21 Hebdomadas numerat Angelus supra præfatus, quibus elapsis *Pragam* rursus in brevi tempore *Friderico* cessuram prophetat.
45. Quemadmodum *Hebdomada* Propheticum ænigma est; ita etiam ipsa *Praga*, sub quâ totus Christianismus septem plagarum Reformationis continetur. Inquire saltim *Bohemiam*, cujus *Metropolis* *Praga* est, ipsius situm, conditionem, reformationem, concilium, subjugationem, confessionem, persecutionem, nec miraberis eandem electam fuisse a Deo, quæ Principissa quasi fuit in
47. resistantiâ Romano Antichristo. Tandem quoad *Fridericum*? *Fridericus* V. *Palatinus* *Rheni*, quintæ *Ecclesiæ* reformatæ addictus Princeps, à *Bohemis* justè electus erat in Regem, dum domus *Austriaca* privilegia sua violaret, ad libertatem Reformatæ *Ecclesiæ*, Pontificisque detrimentum.
48. *Fridericus*, nomen *Germanicum*, idem quod *Hebraicum* *Salomon*; *Quintus* sive *Quinarius*, quinti Regni Monarcha; *Palatinus*, quod nomen *Pfalz*, sive *Palatinatus* apud Antiquos designavit *Throni* *Cæsarei Urbem*, ceu nunc *Ottomannica Porta*, *Whitehall*, &c. *Aulam* *Turcicam*, *Anglicanam*;
Rhenus

- Rhenus* Rex est *Germanicorum Fluviorum*; quinta Ecclesiæ Princeps, quoniam quinta Ecclesia per Sextæ Ecclesiæ Reformationem, ad Septimam, si-
 ve verum Universalem Christianismum tandem
 49. ascendet. Paucis: *FRIDERICUS ELECTUS ERAT IN SIGNUM, CUM QUO PRÆSIGNARET DEUS, QUÆ POST QUATUOR MONARCHIAS IN PRINCIPE REGEQUE CHRISTIANO PERFECTE IMPLENTUR*, postquam per 21 Septimanas si-
 ve 147 annos tribulationes Pontificias
 50. fortissime pertulit. *Hinc Rex Fridericus Kottero Cap. 5. vers. 22. mox in principio exhibitus fuit quadruplici specie; 1 Dormiens in terrâ prostratus. 2 Surgens in tristi & marente statu. 3 Manibus levatis in terrâ provolutus genibus oransque. 4 Stans*
 51. *in sua Regiâ coronâ, veste & magnâ gloriâ. Angelus autem annunciare Regi Friderico inter alia hæc iussit: Quemadmodum Jacob 21 anno post fugam ab Esau & suam e Patriâ secessionem magnis cum copiis domum reversus fuit: ita etiam Fridericus post 21 Hebdomadas ad pristinam gloriam rediit-
 rus. Atque ex hac causa quadruplici specie ostensum esse, ut ipsum videret dormientem, miserum, orantem tandemque in Regiâ Majestate & gloriâ.*
 52. *Hæc clatiora sunt Sole Meridiano, & tamen hæcenus tenebrosiora noctis meridie. Indicat enim Angelus Friderico Salomonique Mystico, quod sub Signo per 49 annos dormiat in terrâ prostratus; sub Figura per 49 annos surgat in tristi & marente statu, sub Realitate per 49 annos*

- aninos manibus levatis, in terrâ provolutus genibus, plenâ liberationis spe oret, usque post hos 147 annos brevi *ab Oriente & Septentrione* jussu Dei extraordinario, in Regem quinti æternantis-
53. que Regni creetur. Quapropter Angelus in Revelatione novâ Prophetæ expressè dixit; *Cap. 23. Vers. 59. Sub Friderico intelligendos simul esse omnes credentes, & patientes Jacobi Liberos, quos in Revelatione alterâ, Cap. 15. v. 37. Friderici*
54. *genus Familiam progeniemque salutat. Lege hoc sensu has Prophetias, & Leonem Septentrionalem Orientalemque non uni homini, Urbi, Regioni, Regi, ceu hactenus omnes, applica, sed istis de quibus Dominus ad Christinam Prophetissam: Rev. 13. v. 45. Leones sunt Hungarus, Turca, Tartarus, Suecus, Danus, Belge, Angli, Galli, Veneta & Vimariensis: totum ænigma Propheticum tibi, ceu historia quædam, erit apertum, non*
55. *opertum. Nam ipse intelliges, in adversariis eandem regulam, eadem lege tibi fore observandam & omnia contraria, Ferdinandum, Meretricem, Bestiam semper Pontificiis eorumque capitibus præsentibus applicanda; quibus factis, oculis tuis Iram Dei futuram in sexto Judicio tremebundus aspicias, juxta Prophetiam Kotteri: Cap. 10. v. 48. Ah Va super Casarem, Reges, Principes, Comites & Dominos! Va super Regiones &*
56. *Urbes in totâ Germaniâ! En vana Europa! Iste Fridericus, quem tu pro ludibrio habuisti, Regia sua tam citò excidens, a Deo electus & selectus erat, ut tu Regia tua Romana in æternum excideres, Regno Christi post quatuor Monarchias fundato.*

37. dato. Tu vero *Fidelis Grex*, noli terreri, cum *supra rationem*, non absque ruina rerum omnium terrenarum in irrisum Ignorantis Mundi, aliquando innocens, aliquando quasi nocens, a Deo ductus venias ! Maxima semper subsunt, cum nulla subesse Mundus in Ratiociniis suis sibi credit. Hinc Kottero ab Angelo querenti, si *Fridericus* tam pius esset a Deo ipso electus, vocatus & coronatus, cur in tantam Infelicitatem venisset, ut *Pragâ* fugere coactus fuisset, talis Responsio data : *Nisi Hostis Regem Pragâ expulisset, ipsum etiam tandem unicus*
39. *quidam homo expellere oportuisset.* O Abyssus Infinitæ Abyssi ! Hæc sunt admiranda Judicia Dei Simplicibus notificata, Prudentibus apud semetipsos impossibilia ! O homo quisquis es, pensita tam *Illustre Friderici Exemplum*, coram toto Mundo Scandalum, & pensita ab ipso Deo ad occæcationem tuam, nisi precibus ardentibus Sapientiam Dei ad ductum tuum desiderasti,
60. propter Præjudicia tua & peccata hoc datum. Hinc in Irâ Dei pro *fabulis, fictis, pictis*, vel à Satana ortis, vel Spirituali arrogantia & superbia & hujus generis rebus incautissimè vel *Ore* vel *More* vel *Re* æstimas ; quæ propter vitam tuam mundanam perdidisti. Bene Divinus Regni Dei intra nos Descriptor Practicus : Cap. 10.
61. *Deus semper habuit suos Famulos, Amicos, Liberos, Sponsas, non est mirum, quod in Aulâ Regis Famuli sint, qui vilis opus Domûs peragunt, qui ignorant, quæ Rex in Camerâ suâ secretâ tractet cum suis secretis amicis, & minus adhuc cum Liberis*

- beris suis, minimè autem omnium, quæ cum Sponsâ
 62. suâ selectâ. Fridericus Spiritualis quasi Jacobus
 est, è cujus semine tandem Thronum Patri Spi-
 rituali promissum *Sophata* recuperabit, Hostes
 Dei & suos in Progenie suâ, sicut Jacobus in Sa-
 lomone, tandem conculcaturus. Ad solatium Ja-
 cobei Seminis revelata sunt, ne in summâ tribulati-
 one diffidens sit, sed plenâ Fide & Spe, quâ om-
 63. nes immissa Dei Probationes superantur. Nam Pro-
 pheta Kotterus, cap. 8. v. 8. prædixit; *Tria Mira*
fient in Oculis hominum. Primo, Parva Persecutio
veniet ad probandos Hypocritas, & istos ad Agniti-
onem dandos. Secundo, Unus de suo solio cadet,
nec illud recuperabit. Tertio, Papa ipsiusque collu-
vies conterentur a Deo vestimenti instar. Quod
supra de Friderico dormiente, surgente, orante
dictum, idem hic dicendum. Primum Mirum fit
in 49 annis, secundum in 49 annis, tertium in
 64. *49 annis. Primum Mirum nimirum factum fu-*
isse hætenus ab Anno 1620. usque 1670. tota
Germania Europe potest attestari, & omnes hodi-
 65. *erni Historici loquuntur. Secundum Mirum sub*
actione nunc tota Europa timet; hoc est, ca-
sum Austriacæ Domûs de Solio Cæsareo, & quis
est qui hoc mirum nunc nescit, dum Hungaria
tremendum ab anno 1670 minitatur usque ad
 66. *hanc horam, & Gallia Rex cum Progenie suâ Cæ-*
saream Dignitatem affectat. Præprimis Prophe-
tia de Bello Sexti Judicii apud Kotterum in-
spectâ: Opus Dei est numerus 601111 Equitum
& peditum. Si venerit in primis 49 Septimanis;
est clemens: Si venerit in secundis 49 Septimanis,
eris

- erit istud multo durius : Si remanserit usque ad tertium Tempus, tunc veniet terribiliter, Iraque Dei velut Ignis ardebit. O lacrumosa Prophe-
tia, eoque lacrimosior quo Cæcitas hominum to-
67. ti *Europe* horribilior ! Mirus exercitus sexcen-
torum millium, unius mille, centum & undecim !
Tolerabilis ipsius adventus ab anno 1620 us-
que 1670 peccatis nostris abiit, & tempus alte-
rum usque ad 1720, si homines sic pergant, abi-
turum fore certissimum est. Disputatur enim ad-
huc, num *Prophetae* sint hodie ? Si sint, num audi-
endi ? Et pro & contra blasphemæ disputatur &
disputabitur, usque Turcicus gladius hunc no-
68. dum in sexto Iudicio dissecabit. Cujus Toni So-
nique hæc fuere, discet Posteritas, Sepulcra eo-
rum ornans, quos Patres ipsorum, fame, Siti,
Spretione, Suppressione, Minitatione, Incarceratione,
& *Morte* affecerunt ; sed cum æterno Pa-
trum suorum mærore. Voluissim ipsos numeros
69. non solum usque ad 1770 adscribere, sed simul
Apocalypsi Danielique applicare, pro scientiâ Di-
vinitus concessâ ; sed Spiritus Dei in me prohi-
bet verbo suo *Sufficiant*. Sufficiant igitur pau-
ca hæc, & cum Oratione submissâ sufficiant ad
omnia præterita, præsentia, futuraque reperien-
da, in Scripturis generalibus specialibusque oc-
cultis, ad Testimonium in fine temporis Exsigil-
landa.

*Scripti Smyrnæ, die 13 & 16
Octobris, 1678.*

ad
me

3-

○

1-

!

5-

—

i-

 $\mathbf{I} =$

—

5

—

5-

0-

3.

—

1-

S

nl

—



A

—

—

—